



**ҚАЗАҚСТАН РЕСПУБЛИКАСЫНЫҢ  
ҰЛТТЫҚ БАНКІ  
№ 4 БАСПАСӨЗ Р Е Л И З І  
2011 жылғы 9 ақпан**

**Қаржы нарығындағы ахуал туралы  
2010 жылдың қорытындылары**

**1. 2011 жылғы қаңтардағы инфляция.** Қазақстан Республикасы Статистика агенттігінің ресми деректері бойынша 2011 жылғы қаңтарда инфляция 1,7% (2010 жылғы қаңтарда – 1,4%) деңгейінде қалыптасты. Азық-түлік тауарларының бағасы 3,0%-ға (1,1%-ға), азық-түлікке жатпайтын тауарлардікі 0,5%-ға (0,3%-ға) және ақылы қызмет көрсету бағасы 1,2%-ға (2,8%-ға) өсті (1-график).


Азық-түлік тауарларының нарығында өткен айда көбінесе жемістер және көкөністер – 10,8%-ға, ет және ет өнімдері – 3,8%-ға, май және тоң майлар – 2,8%-ға, қант – 2,2%-ға, сүт өнімдері – 1,7%-ға, темекі бұйымдары – 1,3%-ға, нан өнімдері және жарма – 1,1%-ға қымбаттады. Күріш 0,4%-ға арзандады.

Азық-түлікке жатпайтын тауарлар тобында дизель отынының бағасы – 2,6%-ға, бензин - 2,5%-ға, қатты отын – 0,8%-ға және дәрі-дәрмектер – 0,5%-ға өсті.

Ақылы қызмет көрсету құрылымында тұрғын үй-коммуналдық саланың қызмет көрсетуі үшін ақы төлеу 1,8%-ға қымбаттады, оның ішінде электр энергиясы – 6,7%-ға, қоқыс жинау – 4,0%-ға, кәріз – 1,7%-ға, суық су және орталық жылытудың 1,2%-ға қымбаттады. Құқықтық қызмет көрсету – 4,0%-ға, көлік қызметі – 0,6%-ға, оның ішінде теміржол көлігі – 2,2%-ға қымбаттады.

1-график

**2010 және 2011 ж.ж. қаңтардағы инфляция және оның құрамдас бөліктері**



2011 жылғы қаңтарда инфляция жылдық көрсетуде 8,1% (2010 жылғы желтоқсанда – 7,8%) құрады. Азық-түлік тауарлары 12,2%-ға (10,1%), азық-түлікке жатпайтын тауарлар 5,7%-ға (5,5%), ақылы қызмет көрсетулер – 5,1%-ға (6,8%) қымбаттады.

**2. Қазақстан Республикасының 2010 жылғы төлем балансы (алдын ала нәтижелер)**

Төлем балансын алдын ала бағалау бойынша 2010 жылғы ағымдағы операциялар шотының профициті 4,9 млрд. АҚШ долл. (2009 жылы дефицит - 4,2 млрд. АҚШ долл.) құрады.

Ағымдағы операциялар балансының жақсаруы энергия тасымалдауыштардың әлемдік бағасының қолайлы конъюнктурасымен байланысты тауар экспорты құнының өсуімен қамтамасыз етілді. 2010 жылы brent сұрыпты мұнайдың әлемдік бағасы орташа алғанда бір баррель үшін 79,64 АҚШ долл. болды, бұл 2009 жылмен салыстырғанда (бір

баррель үшін 61,86 АҚШ долл.) 28,7%-ға жоғары. Нәтижесінде тауарлардың экспорты 35,8% ұлғайып, 59,7 млрд. АҚШ долл. құрады. Бұл ретте тауарлардың ресми экспорты 58,9 млрд. АҚШ долл. құрады.

Тауарлардың импорты 6,6%-ға өсіп, 30,7 млрд. АҚШ долл., оның ішінде ресми импорт – 29,3 млрд. АҚШ долл. (2009 жылы - 28,4 млрд. АҚШ долл.) құрады. Бұл ретте тауарлардың ресми импортының 2010 жылғы 4-тоқсандағы деректері Кеден одағы елдерінен әкелінетін импорттың 2010 жылғы 3-тоқсанмен салыстырғанда 18,9%-ға төмендегенін көрсетті.

Кеден органдарының ақпараты бойынша тауарлардың экспорты мен импорты бойынша 2010 жылғы 3 және 4-тоқсандар үшін деректер әлі де нақтыланатын болады.

Тұтастай алғанда 2010 жылы сауда балансы 2009 жылмен салыстырғанда 2 есеге жуық ұлғайып, 29,0 млрд. АҚШ долл. құраған оң сальдомен қалыптасты.

Қызмет көрсету балансының дефициті 2010 жылы 6,5 млрд. АҚШ долл. болды. Халықаралық қызмет көрсетулердің теріс теңгерімсіздігінің 2009 жылға қатысты 12,4%-ға (2009 жылы - 5,8 млрд. АҚШ долл.) өсуі, бұрынғысынша, Қашаған кен орнындағы жобаларды іске асырумен байланысты.

Тауарлар экспортынан түскен түсімдердің өсуі салдарынан экономиканың тиісті салаларындағы шетелдік тікелей инвесторлардың кірістері айтарлықтай ұлғайды. Тікелей инвестициялау қатынастарымен байланысты емес кредиторларға сыйақы төлеу төмендеген кезде (3,3 млрд. АҚШ долл. 2,6 млрд. АҚШ долл. дейін) тікелей инвесторларға төлемдер 14,4 млрд. АҚШ долл. жетіп, 35,9% ұлғайды, бұл 2010 жылдың қорытындысы бойынша 2009 жылғы 11,4 млрд. АҚШ долл. салыстырғанда инвестициялық кірістер балансының теріс сальдосының 15,2 млрд. АҚШ долл. дейін ұлғаюына себепші болды.

2010 жылы капиталмен операциялардың шоты бойынша 7,9 млрд. АҚШ долл. дейінгі өсім қазақстандық банктердің («Альянс Банк» АҚ, «Темірбанк» АҚ, «БТА Банк» АҚ) міндеттемелерін қайта құрылымдау шеңберінде 2010 жылдың бастапқы 3 тоқсанында сыртқы берешектің бір бөлігін есептен шығаруға байланысты.

Есепті кезеңде қаржы шоты бойынша нетто-ағын банктердің борыштарын қайта құрылымдау шеңберінде міндеттемелерінің азаюына және Ұлттық қордың сыртқы активтерінің өсуіне негізделіп 8,3 млрд. АҚШ долл. мөлшерінде қалыптасты.

Шетелдік тікелей инвестициялардың Қазақстанға таза түсуі 9,8 млрд. АҚШ долл. бағаланады. Шет елге тікелей инвестициялар бойынша 8,5 млрд. АҚШ долл. нетто-әкетілуі негізінен қазақстандық ірі компанияның арнайы мақсаттағы кәсіпорын-еншілес компания (АМК) алдындағы берешегін осы АМК шығарған еурооблигациялар бойынша міндеттемелерін өзіне қабылдау (эмитентті ауыстыру) арқылы өтеумен, сондай-ақ қазақстандық кәсіпорындардың шетелдік еншілес ұйымдардың мұнай және түсті металлургия саудасына байланысты акционерлік капиталын ұлғайтумен байланысты. Нәтижесінде тікелей инвестициялау операциялары бойынша оң баланс 2009 жылғы 10,5 млрд. АҚШ долл. салыстырғанда 2010 жылы 1,2 млрд. АҚШ долл. құрады.

Портфельдік инвестициялар балансы қазақстандық резиденттердің борыштық міндеттемелерінің 15,8 млрд. АҚШ долл. айтарлықтай ұлғаюымен сипатталады. Мұндай ұлғаю көп жағдайда қазақстандық кәсіпорындар мен банктердің АМК еурооблигациялары бойынша эмитентті ауыстыру операцияларына, сондай-ақ қазақстандық кәсіпорындар мен банктердің жаңа еурооблигацияларды шығаруына, оның ішінде банктердің борыштарын қайта құрылымдау шеңберінде жаңа шығарылымдарға негізделді.

Міндеттемелердің өсуі ішінара Ұлттық қордың портфельдік активтерінің 7,8 млрд. АҚШ долл. ұлғаюымен біркелкіленді. Нәтижесінде 2010 жылы тұтастай алғанда портфельдік инвестициялар бойынша нетто-ағын 8,3 млрд. АҚШ долл. болып қалыптасты (2009 жылы - 3 млрд. АҚШ долл. жуық).

Қазақстандық банктердің берешегін қайта құрылымдауға банктердің басқа инвестициялар бойынша ұзақ мерзімді және қысқа мерзімді міндеттемелерінің тиісінше

15,6 млрд. АҚШ долл. және 2,2 млрд. АҚШ долл. азаюының басым бөлігіне себепші болды. Дүниежүзілік банктен қаржылық тұрақтылықты және тұрақты өсуді қамтамасыз ету үшін бюджеттік қолдау заемы түрінде тартылған қаражат (1 млрд. АҚШ долл.) ҚР Үкіметінің ұзақ мерзімді міндеттемелерінің 2010 жылдың қорытындысы бойынша 1,4 млрд. АҚШ долларына ұлғаюын қамтамасыз етті.

### **3. 2011 жылғы қаңтардағы халықаралық резервтер және ақша агрегаттары (алдын ала деректер)**

2011 жылғы қаңтарда Ұлттық Банктің таза халықаралық резервтерінің 10,4%-ға 30,6 млрд. АҚШ долл. дейін өсуі байқалды. Ішкі валюта нарығындағы операциялар және Үкіметтің Ұлттық Банктегі шоттарына валютаның түсуі Ұлттық қордың активтерін толықтыру және Үкіметтің сыртқы борышына қызмет көрсету операцияларымен ішінара бейтараптандырылды. Нәтижесінде, таза валюта қорлары (ЕАВ) 2011 жылғы қаңтарда 12,1%-ға ұлғайды, алтындағы активтер 3,3%-ға азайды.

2011 жылғы қаңтарда елдің халықаралық резервтері тұтастай алғанда, Ұлттық қордың шетел валютасындағы активтерін (алдын ала деректер бойынша 31,4 млрд. АҚШ долл.) қоса алғанда, 6,3% өсті және алдын ала деректер бойынша 62,6 млрд. АҚШ долл. құрады.

Ақша базасы 2011 жылғы қаңтарда Ұлттық Банктің таза сыртқы активтерінің өсуі есебінен 2,7% кеңейді және 2641,5 млрд. теңге болды. Тар ақша базасы, яғни екінші деңгейдегі банктердің Ұлттық Банктегі мерзімді депозиттерін есептемегендегі ақша базасы 2,5%-ға 2196,3 млрд. теңгеге дейін кеңейді.

2010 жылғы желтоқсанда ақша массасы 0,2%-ға 8546,4 млрд. теңгеге дейін өсті (жыл басынан бері – өсу 14,1%), бұл банк жүйесінің таза сыртқы активтерінің ұлғаюына себепші болды.

2010 жылғы желтоқсанда айналыстағы қолма-қол ақша көлемі 6,9% өсті және 1148,5 млрд. теңге болды (жыл басынан бері өсу 25,7%), банк жүйесіндегі депозиттер 0,7%-ға 7397,9 млрд. теңгеге дейін азайды (жыл басынан бері өсу 12,5%). Ақша массасының құрылымындағы депозиттер үлесінің 2010 жылғы қарашадағы 87,4%-дан 2010 жылғы желтоқсанның қорытындысы бойынша 86,6%-ға дейін азайды, бұл депозиттердің төмендеуі аясында айналыстағы қолма-қол ақша көлемінің өсуіне негізделді.

Ақша мультипликаторы ақша массасының өсу қарқынымен салыстырғанда ақша базасының неғұрлым жоғары қарқынмен кеңеюі салдарынан 2010 жылғы қарашадағы 3,59-дан 2010 жылғы желтоқсанда 3,32-ге дейін төмендеді.

**4. 2011 жылғы қаңтардағы валюта нарығы.** 2011 жылғы қаңтарда теңгенің АҚШ долларына бағамы 1 АҚШ доллары үшін 146,78-147,50 теңге диапазонында өзгерді. 2010 жылғы қаңтарда теңге 0,4% нығайды және теңгенің биржалық бағамы айдың аяғында 1 АҚШ доллары үшін 147,87 теңгені құрады.

Қазақстан қор биржасындағы биржалық операциялар көлемі қосымша саудасаттықтағы мәмілелерді ескере отырып, 2010 жылғы желтоқсанмен салыстырғанда 15,5% төмендеп, 5,5 млрд. АҚШ долл. болды.

Биржадан тыс валюта нарығында операциялар көлемі 12,5% төмендеп, 3,2 млрд. АҚШ долл. құрады.

**5. 2010 жылғы қаңтардағы мемлекеттік бағалы қағаздар нарығы.** 2011 жылғы қаңтарда Қаржы министрлігінің мемлекеттік бағалы қағаздарын орналастыру бойынша 3 аукцион болды. Оларға 12 айлық МЕККАМ (4,4 млрд. теңге), 13 жылдық МЕУКАМ (2,8 млрд. теңге), 19 жылдық МЕУЖКАМ (10 млрд. теңге) орналастырылды.

Орналастырылған бағалы қағаздар бойынша тиімді кірістілік 12 айлық МЕККАМ бойынша 1,72%, 13 жылдық МЕУКАМ бойынша 5,15%, 19 жылдық МЕУЖКАМ бойынша инфляция деңгейінен 0,01% жоғары болды.

Қаржы министрлігінің айналыстағы бағалы қағаздарының көлемі өткен аймен салыстырғанда 0,3%-ға қысқарып, 2011 жылғы қаңтардың аяғында 1674,0 млрд. теңге болды.

**Қазақстан Ұлттық Банкінің қысқа мерзімді ноталары.** Ұлттық Банк ноталарының эмиссия көлемі 2010 жылғы желтоқсанмен салыстырғанда 3,4% қысқарып, 2011 жылғы қаңтарда 273,6 млрд. теңге болды.

Қысқа мерзімді ноттардың кірістілігі 2010 жылғы желтоқсандағы 1,19%-дан 2011 жылғы қаңтарда 1,14%-ға дейін төмендеді.

Айналыстағы ноттардың көлемі 2010 жылғы желтоқсанмен салыстырғанда 13% өсіп, 2011 жылғы қаңтардың аяғында 1016,4 млрд. теңге болды.

**6. 2011 жылғы қаңтардағы банкаралық ақша нарығы.** 2011 жылғы қаңтарда орналастырылған банкаралық депозиттердің жалпы көлемі 2010 жылғы желтоқсанмен салыстырғанда 43,8% азайды және баламасы 2408,4 млрд. теңге болды.

Орналастырылған банкаралық теңгелік депозиттердің көлемі 31,5% азайып, 989,7 млрд. теңгені құрады (орналастырылған депозиттердің жалпы көлемінің 41,1%). Бұл ретте орналастырылған банкаралық теңгелік депозиттер бойынша орташа алынған сыйақы ставкасы қаңтарда 0,57%-дан 0,64%-ға дейін өсті.

Ұлттық Банктің банктерден тартқан депозиттерінің көлемі 2010 жылғы желтоқсанмен салыстырғанда 2011 жылғы қаңтарда 1025,4 млрд. теңгеге дейін 19,3% төмендеді.

2010 жылғы желтоқсанмен салыстырғанда 2011 жылғы қаңтарда доллармен орналастырылған депозиттердің көлемі 53,1% төмендеп, 8,3 млрд. АҚШ долл. құрады (орналастырылған депозиттердің жалпы көлемінің 50,5%). Доллармен орналастырылған депозиттер бойынша орташа алынған сыйақы ставкасы 2010 жылғы желтоқсандағы 0,28%-дан 2011 жылғы қаңтардағы 0,23%-ға дейін төмендеді.

2011 жылғы қаңтарда еуромен орналастырылған депозиттердің көлемі 0,9 млрд. еуроны құрай отырып, 17,6% азайды (орналастырылған депозиттердің жалпы көлемінің 7,5%). Еуромен орналастырылған депозиттер бойынша орташа алынған сыйақы ставкасы 0,46%-дан 0,60%-ға дейін өсті.

Рубльдегі депозиттерге орналастыру көлемі аз ғана мөлшерде қалып отыр – орналастырылған депозиттердің жалпы көлемінің 1,0%.

Шетел валютасындағы банкаралық депозиттердің үлесі орналастырылған депозиттердің жалпы көлемінің 2011 жылғы қаңтарда 66,3%-дан 58,9%-ға дейін төмендеді. Резидент емес банктерде орналастырылған шетел валютасындағы депозиттердің үлесі 64,9%-дан 58,9%-ға дейін азайды.

### **7. Депозит нарығы.**

Резиденттердің депозиттік ұйымдардағы депозиттерінің жалпы көлемі 2010 жылғы желтоқсанда 0,7% төмендеп, 7397,9 млрд. теңге болды (жыл басынан бастап 12,5% өсті). Занды тұлғалардың депозиттері 5203,0 млрд. теңгеге дейін 2,0% төмендеді (жыл басынан бастап 11,2% өсті), жеке тұлғалардың салымдары 2194,9 млрд. теңгеге дейін 2,4% өсті (жыл басынан бастап 15,9% өсті).

2010 жылғы желтоқсанда шетел валютасындағы депозиттердің көлемі 2590,0 млрд. теңгеге дейін 1,9% төмендеді (жыл басынан бастап 9,9% төмендеді), ұлттық валютадағы депозиттер 4807,9 млрд. теңгеге дейін 0,1% төмендеді (жыл басынан бастап 30,0% өсті). Теңгедегі депозиттердің үлес салмағы 2010 жылғы желтоқсанда 2010 жылғы қарашамен салыстырғанда 64,6%-дан 65,0%-ға дейін өсті.

Халықтың (резидент еместерді қоса алғанда) банктердегі салымдары 2010 жылғы желтоқсанда 2249,8 млрд. теңгеге дейін 2,4% өсті (жыл басынан бастап 16,2% өсті). Халықтың салымдары құрылымында теңгедегі депозиттер 1249,6 млрд. теңгеге дейін 5,6% ұлғайды (жыл басынан бастап 48,6% өсті), шетел валютасындағы депозиттер 1000,2 млрд. теңгеге дейін 1,2% төмендеді (жыл басынан бастап 8,7% төмендеді). Нәтижесінде теңгедегі депозиттердің үлес салмағы 53,9%-дан 55,5%-ға дейін өсті.

2010 жылғы желтоқсанда банктік емес заңды тұлғалардың теңгедегі мерзімді депозиттері бойынша орташа алынған сыйақы ставкасы 3,4% (2009 жылғы желтоқсанда – 4,5%), ал жеке тұлғалардың салымдары бойынша 8,8% (10,0%) құрады.

### **8. Кредит нарығы**

Банктердің экономиканы кредиттеуінің жалпы көлемі 2010 жылғы желтоқсанда 7596,6 млрд. теңге болып, 1,4% ұлғайды (жыл басынан бері – төмендеуі 0,6%).

Ұлттық валютадағы кредиттердің көлемі 4383,1 млрд. теңгеге дейін 3,0% артты (жыл басынан бері – өсу 11,1%), шетел валютасындағы – 3213,4 млрд. теңгеге дейін 0,8% төмендеді (жыл басынан бері – 13,1% төмендеді). 2010 жылғы желтоқсанда теңгедегі кредиттердің үлес салмағы 2010 жылғы қарашамен салыстырғанда 56,8%-дан 57,7%-ға дейін ұлғайды.

2010 жылғы желтоқсанда ұзақ мерзімді кредиттеу 6349,7 млрд. теңгеге дейін 0,3% төмендеді, қысқа мерзімді кредиттеу 1246,8 млрд. теңгеге дейін 10,7% артты. Нәтижесінде 2010 жылғы желтоқсанда ұзақ мерзімді кредиттердің үлес салмағы 2010 жылғы қарашамен салыстырғанда 85,0%-дан 83,6%-ға дейін азайды.

2010 жылғы желтоқсанда заңды тұлғаларға кредиттер 5480,3 млрд. теңге болып, 2,0%-ға ұлғайды (жыл басынан бері – 1,2% өсті), жеке тұлғаларға – 2116,2 млрд. теңгеге дейін 0,2% азайды (жыл басынан бері – 4,9% азайды). 2010 жылғы желтоқсанда жеке тұлғаларға кредиттердің үлес салмағы 2010 жылғы қарашамен салыстырғанда 28,3%-дан 27,9%-ға дейін азайды.

Шағын кәсіпкерлік субъектілерін кредиттеу 2010 жылғы желтоқсанда 1389,3 млрд. теңгеге дейін 6,2% ұлғайды (жыл басынан бері – 18,7% төмендеді), бұл экономикаға кредиттердің жалпы көлемінің 18,3% құрайды.

Банктердің экономикаға кредиттерінің неғұрлым айтарлықтай сомасы салалық бөлуде сауда (жалпы көлемдегі үлесі – 24,0%), құрылыс (18,1%), өнеркәсіп (9,4%) және ауылшаруашылығы (3,8%) сияқты салаларға тиесілі.

2010 жылғы желтоқсанда банктік емес заңды тұлғаларға ұлттық валютамен берілген кредиттер бойынша орташа алынған сыйақы ставкасы 12,9% (2009 жылғы желтоқсанда – 14,3%), жеке тұлғалардікі – 20,3% (21,6%) болды.

### **9. Экономиканың нақты секторы кәсіпорындары мониторингінің 2010 жылғы 4-тоқсандағы нәтижелері туралы**

2010 жылғы қаңтарда 2010 жылғы 4-тоқсан бойынша экономиканың нақты секторындағы ахуалды бағалау үшін кәсіпорындардың кезекті мониторингі жүргізілді. Ел экономикасының негізгі салаларын білдіретін мониторингке қатысушы кәсіпорындардың саны 2010 жылғы 3-тоқсан бойынша пікіртеріммен салыстырғанда 2139-дан 2171-ге дейін, оның ішінде орташа және ірілері – 1270-тен 1303-ке дейін ұлғайды.

2010 жылғы 4-тоқсанда кәсіпорындардың 21,9%-ы тұтастай алғанда, экономика бойынша кәсіпорындардың дайын өніміне сұраныстың азаюын атап өтті (2010 жылғы 3-тоқсанда 17% болды). Бұған қарамастан, тұтастай алғанда, кәсіпорындардың іскерлік белсенділігі артты, бұл, бірінші кезекте, айналым қаражаты айналымдылығының 2010 жылғы 3-тоқсандағы 45,2%-дан 2010 жылғы 4-тоқсандағы 52,6%-ға дейін едәуір өсуінде байқалды. Көрсеткіштің мұндай өсуіне негізінен мұнай бағасының өсуіне байланысты өндіруші өнеркәсіпте өнімді сатудан түскен кірістің айтарлықтай ұлғаюы себепші болды.

Кәсіпорындардың көпшілігінде дайын өнімнің бағасы салыстырмалы түрде тұрақты болды: өткен тоқсанмен салыстырғанда кәсіпорындардың 69,2%-ы бағаның өзгермегендігін (2010 жылғы 3-тоқсанда – 69,9%), 25,9%-ы - бағаның өсуін (2010 жылғы 3-тоқсанда – 24%), 4,4%-ы - бағаның төмендеуін (2010 жылғы 4-тоқсанда – 4,4%) атап өтті.

2010 жылғы 4-тоқсанда шикізат пен материалдар бағасының өсуі жалғасты, алайда өсу қарқыны баяулады: бағаның көтерілуін кәсіпорындардың 50,1%-ы (2010 жылғы 3-тоқсанда – 49,5%) атап өтті.

Кәсіпорындардың инвестициялық белсенділігі ұлғайды: инвестицияларды қаржыландырмаған кәсіпорындардың үлесі 39,0%-ға дейін төмендеді (2010 жылғы 3-

тоқсанда – 41,6%), және меншік қаражатын және банктердің кредитін осы мақсатқа пайдаланған кәсіпорындар саны – 59,8%-ға дейін біршама ұлғайды (2010 жылғы 3-тоқсанда – 57,1%).

Кәсіпорындардың айналым активтерін қаржыландыру үрдісі, көбінесе меншік қаражаты есебінен сақталды, оны кәсіпорындардың 80,3%-ы (2010 жылғы 3-тоқсанда – 79,7%-ы) атап өтті.

Экономиканың нақты секторының қаржылық жай-күйі іс жүзінде өзгерген жоқ: сатудың орташа рентабельділігі 43,4% (2010 жылғы 3-тоқсанда 43,8% болды) болды, ал рентабельділігі төмен және зиян шеккен кәсіпорындардың үлесі өткен тоқсандағы деңгейде (26,4%) қалды.

Теңгенің АҚШ долларына, еуроға және ресей рубліне қатысты бағамы өзгеруінің кәсіпорындардың шаруашылық қызметіне теріс ықпалы: тиісінше 2010 жылғы 3-тоқсандағы 12,8%, 13% және 11,2%-дан 2010 жылғы 4-тоқсанда 11,7%, 10,5% және 9,9%-ға дейін едәуір төмендеуі жалғасты.

Кәсіпорындар теңгемен және шетел валютасымен алған кредиттер бойынша орташа пайыздық ставкалары, тиісінше 2010 жылғы 3-тоқсандағы 14,6% және 12,3%-дан 2010 жылғы 4-тоқсанда 14,1%-ға және 12,1%-ға дейін төмендеді. Соның салдарынан банктерден кредит алған кәсіпорындардың үлесі 2010 жылғы 3-тоқсандағы 19%-дан 2010 жылғы 4-тоқсанда 20,4%-ға дейін және банк кредитін айналым қаражатын қаржыландыру үшін пайдаланған кәсіпорындардың үлесі - тиісінше 16,6%-дан 16,8%-ға дейін ұлғайды.